

KONSEP KESEPADUAN PEMERINTAHAN BERAJA BRUNEI DENGAN MELAYU DAN ISLAM

Asbol Mail

Fakulti Sastera dan Sains Sosial /
Akademi pengajian Brunei
Universiti Brunei Darussalam
Negara Brunei Darussalam

PENGENALAN

- ▶ Kuliah ini cuba mengetengahkan konsep kesepaduan pemerintahan beraja Brunei dengan nilai-nilai Melayu dan Islam.
- ▶
- ▶ Kesepaduan secara umumnya bermaksud keadaan yang bersatu padu, menyatu, berpadu, berpaktat atau tidak berpecah.

- ▶ Dalam hubungan konsep kesepaduan pula, ia merujuk kepada satu prinsip yang menekankan penyatuan pelbagai unsur atau nilai sehingga membentuk satu suasana yang harmoni. Dalam keadaan yang demikian kesepaduan ini semakin kukuh dan teguh.

► Oleh itu konsep kesepaduan pemerintahan beraja Brunei dengan nilai-nilai Melayu dan Islam, dalam perbincangan ini cuba mengetengahkan peranan pemerintahan beraja.

► Ia boleh saja dirujuk sebagai kerajaan, kesultanan, sistem beraja mahupun sultan yang sedang memegang tampuk kuasa dalam menyatukannya dengan dua nilai-nilai di atas.

- ▶ Kesepaduan ini pada lazimnya mengarah kepada tercetusnya suasana harmoni kepada ketiga-tiga komponen ini yang menjadi landasan kepada falsafah Melayu Islam Beraja Brunei.

- ▶ Dalam perbincangan ini akan melihat konsep kesepaduan beraja dengan nilai Melayu dan Islam dengan mengabungkan kedua-dua kompenan Melayu dan Islam.

- ▶ Pergabungan ini dibuat bukan saja memudahkan pembicaraan kerana pada kebiasaannya apabila memperkatakan tentang Islam, maka dengan sendirinya membabitkan kompenan Melayu.
- ▶ Begitu juga sebaliknya apabila memperkatakan Melayu, maka juga melibatkan Islam.
- ▶
- ▶

- ▶ Dalam kuliah ini konsep kesepaduan beraja Brunei dengan nilai-nilai Melayu dan Islam menumpukan perbincangan kepada 10 aspek berikut:
 - ▶ 1. Penyebaran Islam
 - ▶ 2. Undang-undang Islam

- ▶ 3. Masjid
- ▶ 4. Perlembagaan 1959
- ▶ 5. Sistem pemerintahan

- ▶ 6. Ekonomi Islam
- ▶ 7. Pendidikan
- ▶ 8. Kebajikan

- ▶ 9. Bahasa Melayu
- ▶ 10. Adat istiadat.

► Semua aspek ini diteliti sejak zaman pemerintahan Sultan Muhammad Shah (1363-1402) hingga kini di zaman pemerintahan Kebawah Duli Yang Maha Paduka Seri Baginda Sultan Haji Hassanal Bolkiah Mu'izzaddin Waddaulah.

- ▶ Sistem beraja Brunei sejak lahirnya menganut fahaman animisme kemudian mengikuti fahaman agama Hindu Buddha pada abad pertama Masihi.

- ▶ Beraja Brunei terus berkembang maju apabila digambarkan pada abad ke-13 Masihi sebagai negara kaya, gemilang dan mempunyai pasukan tentera laut yang kuat.

- ▶ Agama Hindu Buddha ini tidak selamanya dianuti oleh raja dan penduduk Brunei kerana pada tahun 1368, raja Brunei bernama Awang Alak Betatar telah memeluk agama Islam. Baginda kemudiannya dikenali sebagai Sultan Muhammad Shah (1363-1402).

- ▶ Sejak itulah falsafah Melayu Islam Beraja menjadi tunggak dalam berbangsa dan bernegara bagi Brunei.
- ▶
- ▶ Sebagai tunggak, maka ia sentiasa wujud dan berkembang apabila beraja Brunei sentiasa menunjukkan kesepaduan dengan kompenan Melayu dan Islam.

- ▶ Kesepadan ini telah melahirkan suasana harmoni yang mencetuskan tautan yang teguh kepada tiga kompenan iaitu Melayu Islam Beraja.
- ▶
- ▶ Ini adalah falsafah negara yang menjadi landasan kehidupan berbagai lapisan rakyat Brunei.

- ▶ Kesepadan antara beraja Brunei dengan Melayu dan Islam ini terus bakesinambungan di era pemerintahan Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan Yang Dipertuan Negara Brunei Darussalam (1967-kini).
- ▶
- ▶ Kesepadan ini semakin ketara apabila falsafah Melayu Islam Beraja yang lahir secara evolusi sejak zaman pemerintahan Sultan Muhammad Shah telah diisytiharkan pada 1 Januari 1984 oleh Kebawah Duli Yang Maha Mulia.

- ▶ Dengan pengisytiharan ini falsafah Melayu Islam Beraja bukan sekadar ideologi politik tetapi juga sebagai cara hidup orang-orang Brunei yang menyatukan nilai-nilai kebudayaan Melayu, ajaran Islam dengan di bawa payung kuasa pemerintahan beraja.

- ▶ Berbagai langkah telah diambil oleh Kebawah Duli Yang Maha dalam menyatukan elemen Melayu dan Islam dengan pemerintahan beraja Brunei. Ia bertujuan agar kehidupan rakyat Brunei terus sejahtera sampai bila-bila juga.

- ▶ Kehidupan yang harmoni dalam kalangan rakyat adalah penting bagi mencapai matlamat pembangunan negara yang lebih maju dan baik di masa depan dan seterusnya ke arah merealisasikan Wawasan 2035
- ▶
- ▶ Sungguhpun falsafah Melayu Islam Beraja baru diisytiharkan semasa pencapaian kemerdekaan Brunei, namun jejak-jejak kewujudan falsafah ini boleh dikesan sejak abad ke-14 Masihi.

- ▶ Hal ini berlaku apabila Awang Alak Betatar, raja Brunei ketika itu telah memeluk agama Islam pada tahun 1368 seperti dijelaskan di atas.
- ▶ Langkah baginda memeluk agama Islam ini juga merupakan satu jasa besar yang baginda tabur kerana telah berjaya membawa rakyat Brunei menganut agama yang benar yang menjanjikan kebahagiaan hidup dunia dan akhirat.

- ▶ Dengan yang demikian sultan-sultan Brunei hingga ke zaman pemerintahan Kebawah Duli Yang Maha setelah pemerintahan Sultan Muhammad Shah berakhir, mereka terus menggalas tanggungjawab dalam mengamalkan dan mengukuhkan falsafah Melayu Islam Beraja.
- ▶
- ▶ Antara langkah yang diambil ialah menyatukan antara pemerintahan beraja dengan nilai Melayu dan nilai Islam.

- ▶ **MENYEBARKAN ISLAM**
- ▶ Dalam meneliti kesepaduan antara beraja Brunei dengan nilai-nilai Melayu dan Islam, telah berlaku dengan kuasa politik di tangan sultan yang membolehkan baginda untuk menyebarkan syiar Islam.
- ▶
- ▶ Selepas kemangkatan Sultan Muhammad Shah, Islam sebagai salah satu komponen falsafah Melayu Islam Beraja terus bersepada di zaman pemerintahan Sultan Sharif Ali (1425-1432). Baginda merupakan Sultan Brunei yang ketiga berasal dari Taif berketurunan Rasulullah telah berjaya memantapkan perkembangan Islam Brunei.
- ▶

- ▶ Apabila Islam berjaya dimantapkan, maka dengan sendiri ia juga mengukuhkan akidah dan pegangan orang-orang Melayu terhadap Islam.
- ▶
- ▶ Baginda telah memperkenalkan Undang-Undang Islam ke atas rakyat Brunei, melarang memakan babi dan menentukan arah qiblat. Sultan Sharif Ali juga telah membina masjid.

- ▶ Terbinanya Rumah Allah ini telah menggambarkan semakin ramainya rakyat Brunei yang memeluk Islam. Masjid bukan sahaja tempat beribadat tetapi juga tempat kegiatan dakwah dan pendidikan.
- ▶
- ▶ Dalam masa yang sama pemerintahan beraja Brunei pada ketika juga bersepadau dengan Melayu apabila dakwah dan pendidikan disampaikan dalam bahasa Melayu. Ini menjadikan penggunaan bahasa Melayu dalam tempoh ini semakin berkembang dalam ranah keagamaan.

- ▶
- ▶ Kesepadan antara beraja Brunei dengan Islam terus kukuh dan berkembang seiring dengan pencapaian gemilang di era pemerintahan Sultan Bolkiah (1485-1524 Masihi) dan Sultan Muhammad Hasan (1582-1598 Masihi).
- ▶ Kedua-dua baginda telah berjaya mengukuhkan Islam dan sekaligus Melayu apabila kuasa politik beraja Brunei berjaya dijulang melalui dasar peluasan jajahan takluknya yang meliputi pulau Borneo dan bahagian utara Kepulauan Filipina.
- ▶

- ▶ Dengan peluasan wilayah ini jelas telah mengukuhkan Islam. Perkara ini berlaku apabila pemerintahan beraja Brunei dengan bantuan para pendakwah telah berjaya menyebarkan Islam dengan lebih meluas ke atas wilayah-wilayah yang dikuasai Brunei.

► CABARAN DAN KEBANGKITAN KESEPADUAN

-
- Kesan dari kesepaduan antara beraja Brunei dengan Melayu dan Islam ini boleh dilihat semasa pemerintahan Sultan Saiful Rijal (1533-1581 Masihi).
-
-
-

- ▶ Baginda telah berjaya menyelamatkan Melayu dan Islam daripada cabaran kuasa Sepanyol yang mahu menguasai Brunei dan menyebarluaskan agama Kristian.
- ▶
- ▶ Orang-orang Sepanyol yang berjaya menduduki Brunei setelah berjaya menewaskan tentera Brunei dalam Perang Kastila pada tahun 1579.

- ▶ Bagaimanapun mereka hanya dapat bertahan di Brunei selama 72 hari setelah diserang balas oleh tentera Brunei.
- ▶
- ▶ Namun begitu pada abad ke-19 cabaran ke atas kesepadan antara beraja Brunei dengan Melayu dan Islam datang lagi dari kuasa Barat yang dipelopori oleh British.
- ▶

- ▶ Hambatan yang dibawa oleh British ini semakin kuat berbanding dengan kuasa Sepanyol sebelumnya.
- ▶
- ▶ Kuasa ini telah berjaya menguasai beraja Brunei, maka dalam masa yang sama juga turut mengugat nilai-nilai Melayu dan Islam.

- ▶ Hal ini berlaku apabila wilayah Brunei dari Tanjung Datu Sarawak hingga ke Sabah telah berhasil dibulut oleh kuasa Barat ini.
- ▶ Perjanjian tambahan 1906 yang ditanda tangani oleh Sultan Hashim (1885-1906) dengan kerajaan British telah berjaya mempertahankan kesepaduan beraja Brunei dengan Melayu dan Islam.

- ▶ Ia satu kejayaan besar, sungguhpun peranan Melayu dan Islam semakin disempitkan seiring dengan kemerosotan wilayah Brunei pada ketika itu.
- ▶
- ▶ Kesepadan beraja Brunei dengan Melayu dan Islam terus mendapat pukulan apabila ia dikuasai oleh tentera Jepun dari tahun 1941 hingga 1945 dalam peristiwa Perang Dunia Kedua.

- ▶ Tentera Jepun cuba menafikan kesepaduan beraja Brunei dengan Melayu Islam apabila melancarkan dasar nipponisasi dalam pendidikan dan budaya kehidupan orang-orang Brunei.
- ▶
- ▶ Kesepaduan antara beraja dengan Melayu dan Islam semakin bangkit dan berkembang secara berfasa apabila tampuk pemerintahan dipegang oleh Sultan Omar Ali Saifuddien Saádul Khairi Waddien (1950-1967).

- ▶ Hal ini berlaku apabila Perlembagaan Negeri Brunei 1959 telah dimeteraikan dengan kerajaan British.
- ▶
- ▶ Melalui perlembagaan ini kesepaduan beraja Brunei dengan Melayu dan Islam semakin kukuh.
- ▶
- ▶ Dengan adanya perlembagaan ini, maka kuasa Residen British dalam pentadbiran Brunei sejak tahun 1906 telah ditiadakan.

- ▶ Sementara itu agama Islam diangkat sebagai agama rasmi negara dan bahasa Melayu sebagai bahasa rasmi negara.
- ▶
- ▶ Ini diteruskan sehingga pemerintahan Kebawah Duli Yang Maha Mulia apabila falsafah ini terus dijulang dengan pegangan teguh kepada agama Islam dalam apa juga urusan pentadbiran dan kehidupan rakyat di Negara Brunei Darussalam.

- ▶ KESEPADUAN DI ZAMAN KEBAWAH DULI YANG MAHA MULIA
- ▶
- ▶ Kebawah Duli Yang Maha Mulia Paduka Seri Baginda Sultan merupakan seorang pemimpin Negara Brunei yang berjasa besar mengukuhkan kesepaduan pemerintahan beraja dengan Melayu dan Islam dalam ranah politik, sosial dan ekonomi sejak tahun 1967 hingga kini.

- ▶ Baginda sebagai raja dalam mengukuhkan kesepaduan dengan Melayu dan Islam telah dilakukan menerusi sistem pemerintahan, aspek agama Islam, pendidikan, kebijakan, bahasa Melayu dan adat istiadat.

- ▶
- ▶ **6.1 SISTEM PEMERINTAHAN**
- ▶
- ▶ Kebawah Duli Yang Maha Mulia Paduka Seri Baginda Sultan memainkan peranan yang komprehensif dalam mengukuhkan perpaduan elemen Melayu dan Islam dengan beraja Brunei.

- ▶ Hal ini berlaku apabila falsafah Melayu Islam Beraja diisytiharkan secara rasmi sebagai pegangan berbangsa dan bernegara bagi Negara Brunei Darussalam semasa pencapaian kemerdekaan
- ▶
- ▶ Kesepaduan beraja Brunei dengan elemen Melayu Islam terus diperkuuhkan lagi apabila Kebawah Duli Yang Maha Mulia terus mengekalkan sistem pemerintahan beraja mutlak (*absolute monarchy*) di mana baginda memegang kuasa penuh sebagai ketua kerajaan dan ketua agama Islam.

- ▶ Kepimpinan baginda berlandaskan falsafah ini bertujuan untuk penyatuan bangsa yang berpaksi kepada ajaran Islam.
- ▶ Agama ini yang boleh membawa kepada kestabilan politik dan pentadbiran negara yang boleh membawa kehidupan rakyat ke arah yang lebih baik dan sejahtera.

- ▶ Kesepaduan beraja Brunei dengan Melayu dan Islam ditunjukkan melalui keseimbangan pemerintahan antara tradisi dan moden.
- ▶
- ▶ Walaupun berasaskan sistem monarki mutlak, akan tetapi pentadbiran negara tetap responsif kepada keperluan Melayu dan Islam melalui institusi-institusi seperti Majlis Mesyuarat Negara, Menteri-Menteri Kabinet dan agensi-agensi kerajaan.

- ▶ Ketika pemerintahan baginda ini, rancangan pembangunan sosio-ekonomi negara diimplementasikan dengan matlamat utama memberikan memantuni kepada rakyat Brunei.
- ▶
- ▶ Penduduk negara ini terbukti telah dapat menikmati pendidikan dan perubatan percuma dari pihak kerajaan di samping tanpa dikenakan sebarang cukai seperti cukai pendapatan.

- ▶
- ▶ Perubatan percuma tidak hanya menyediakan hospital dan klinik tetapi juga kerajaan sanggup membiayai bagi warganegara Brunei untuk menjalani rawatan di luar negara khususnya mereka yang menghidap penyakit kronik seperti jantung dan kanser.
- ▶
- ▶ Begitu juga rancangan perumahan negara yang dilaksanakan oleh kerajaan dengan bayaran pulangan dengan harga yang terendah.

- ▶
- ▶ Ia dilakukan semata-mata bagi membolehkan perumahan ini mampu dimiliki golongan berpendapatan rendah.
- ▶
- ▶ Begitu juga orang-orang berkeperluan sentiasa dipeduli dan mendapat bantuan yang berpatutan dari pihak kerajaan.

- ▶ Dalam keadaan yang demikian telah menunjukkan bahawa kesepaduan pemerintahan beraja dengan nikai Melayu begitu menonjol apabila pembangunan yang dibuat oleh kerajaan dinikmati oleh bangsa Melayu sebagai penduduk majoriti Brunei.
- ▶
- ▶ Sikap perhatin dalam pembangunan seperti ini memang dianjurkan oleh ajaran Islam. Ia pasti mendapat redha Allah.

- ▶ Kebawah Duli Yang Maha Mulia sentiasa menekankan perlunya pemerintahan beraja sentiasa bersepadu dengan nilai-nilai Melayu dan Islam dalam menjaga kestabilan politik dan kedaulatan negara.
- ▶
- ▶ Ini dapat dilihat dalam titah-titah baginda semasa Sambutan Hari Kebangsaan, Hari Keputeraan dan Majlis Ilmu sering mengingatkan kepada rakyat supaya terus sama-sama memelihara semangat kesetiaan kepada raja, menghormati undang-undang dan mengamalkan ajaran Islam dalam semua aspek kehidupan.

- ▶ **KESEPADUAN DAN KEBAJIKAN**
- ▶ Peranan Kebawah Duli Yang Maha Mulia dalam mengukuhkan kesepaduan antara pemerintahan beraja dengan Melayu dan Islam boleh dilihat dari aspek pemdalian kebajikan rakyat yang memerlukan.

- ▶ Dalam hubungan ini berlaku dengan penubuhan Yayasan Sultan Haji Hassanal Bolkiah, yang menjadi medium penting dalam memperjuangkan kebijakan rakyat sejajar dengan prinsip-prinsip Islam dan nilai-nilai Melayu yang tidak camah mata ke atas mereka yang memerlukannya.
- ▶
- ▶ Yayasan Sultan Haji Hassanal Bolkiah ditubuhkan pada 5 Oktober 1992 bagi membantu golongan yang memerlukan dari segi kewangan, perumahan, pendidikan dan perubatan.

- ▶
- ▶ Ia juga bagi meningkatkan taraf hidup rakyat dengan menyediakan pelbagai program bantuan dalam pembangunan modal insan selaras dengan nilai-nilai Islam dan kemelayuan.
- ▶
- ▶ Dalam bidang keagamaan, Yayasan Sultan Haji Hassanal Bolkiah telah menyediakan biasiswa agama dengan memberikan bantuan kewangan bagi tujuan pendidikan agama.

- ▶ Ia diberikan kepada pelajar cemerlang dan kurang berkemampuan dari segi kewangan untuk melanjutkan pelajaran dalam dan luar negara.
- ▶
- ▶ Ini menyumbang kepada pembangunan intelektual negara berasaskan nilai-nilai Islam yang didominasi oleh anak-anak Melayu.

- ▶ Melalui Yayasan ini, baginda tidak hanya mengulurkan bantuan kepada rakyat yang memerlukan yang tentunya majoriti berbangsa Melayu tetapi turut menghulurkan sokongan kewangan bagi kegiatan-kegiatan syiar Islam yang boleh mendatangkan manfaat kepada negara.
- ▶
- ▶ Hal ini boleh dilihat apabila ia sentiasa memberikan mendokong kegiatan keagamaan seperti yang dilakukan di masjid-masjid dan kegiatan dakwah.

- ▶ Scenario ini telah memperkuat lagi kesepaduan pemerintahan beraja Brunei dengan Melayu dan Islam.

- ▶ KESEPADUAN BAHASA MELAYU DAN ADAT ISTIADAT
- ▶ Dalam mengukuhkan kesepaduan antara pemerintahan beraja dengan Melayu dan Islam, Kebawah Duli Yang Maha Mulia amat menitikberatkan dalam mengekalkan warisan Melayu yang telah menjadi identiti kepada rakyat Brunei.

- ▶
- ▶ Antaranya ialah mempertahankan bahasa Melayu dan adat istiadat.
- ▶
- ▶ Bahasa Melayu sebagai bahasa rasmi diteruskan setelah baginda menaiki takhta.
- ▶
- ▶ Ini menunjukkan bahawa Kebawah Duli Yang Maha Mulia amat prihatin dalam menjaga masa depan bahasa ini sungguhpun menghadapi saingan dari berbagai bahasa asing terutama bahasa Inggeris.

- ▶ Menerusi agensi seperti Dewan Bahasa dan Pustaka, Pusat Sejarah Brunei dan Kementerian Kebudayaan Belia dan Sukan,
- ▶ maka pelbagai program telah dilaksanakan untuk memperkuatkan penguasaan bahasa Melayu dalam kalangan rakyat Brunei terutama generasi muda.

- ▶ Antaranya mengadakan aktiviti Bulan Bahasa, Festival Kebudayaan Melayu dan Pesta Buku yang merupakan langkah dalam melestarikan bahasa dan budaya.
- ▶
- ▶ Selain bahasa Melayu, Kebawah Duli Yang Maha Mulia juga mahu supaya adat istiadat Melayu dipertahankan dari masa kesemasa biarpun Brunei sentiasa berhadapan dengan arus permodenan.
- ▶
- ▶ Kebawah Duli Yang Maha Mulia sentiasa menekankan bahawa adat bukan sekadar warisan, tetapi sebahagian daripada jati diri negara yang harus dipelihara dan diamalkan dalam kehidupan moden.

- ▶ Menerusi pemerintahan beraja ini, maka di bawah kuasa Kebawah Duli Yang Maha Mulia terus memainkan peranan sebagai pelindung adat istiadat yang memang perlu ada persepaduan dengan komponen Melayu.
- ▶
- ▶ Adat istiadat Melayu terus bertahan dan wujud di era pemerintahan Kebawah Duli Yang Maha apabila majlis-majlis rasmi negara masih mengekalkan struktur istiadat Melayu yang lengkap.

- ▶ Hal ini termasuklah dalam berpakaian, berbahasa dan susun lapis orang-orang disampiri gelaran yang berasaskan sistem tradisional.
- ▶
- ▶ Dalam memartabatkan adat istiadat Melayu, baginda telah mengambil langkah memperkasakan Majlis Adat Istiadat Negara dengan mengawal selia dan memperkenalkan semula adat-adat rasmi diraja dan negara.

Antaranya istiadat pertabalan, perkahwinan diraja, perlantikan jawatan tinggi, pengurniaan bintang dan pingat, menyampiri gelaran dan sambutan hari-hari kebesaran negara.

- ▶
- ▶ **6.3 KESEPADUAN DAN AGAMA ISLAM**
- ▶ Kesepaduan dengan Melayu dan Islam di bawa pemerintahan Kebawah Duli Yang Maha Mulia berlaku apabila baginda bertindak memartabatkan undang-undang Islam di Negara Brunei Darussalam khususnya undang-undang jenayah syariah
- ▶
- ▶ Baginda telah pun merancang untuk mengwujudkan undang-undang Islam ini sejak tahun 1980 lagi.

- ▶ Langkah selanjutnya apabila baginda telah memperkenankan penubuhan sebuah jawatankuasa dikenali sebagai Jawatankuasa Mensesuaikan Undang-Undang Dengan Kehendak Ugama.
- ▶
- ▶ Baginda juga sentiasa melihatkan komitmen bagi undang-undang sivil di Negara Brunei Darussalam bersesuaian dengan kehendak hukum syariah.

- ▶
- ▶ Kehendak baginda ini telah dititahkan pada tahun 1996 apabila baginda memperkenankan penubuhan Mahkamah-Mahkamah Syariah.
- ▶
- ▶ Mahkamah ini buat julung-julung kalinya diberikan bidang kuasa yang luas dalam melaksanakan undang-undang Islam.

- ▶
- ▶ Ia tidak hanya sahaja tertumpu kepada pentadbiran undang-undang keluarga tetapi juga kepada undang-undang jenayah Islam di Negara Brunei Darussalam.
- ▶
- ▶ Dalam hal ini baginda telah berkenan mengwujudkan *Islamic Criminal Act* atau Qanun Jina'i Islam sebagaimana yang dituntut oleh Allah yang termaktub dalam kitab suci Al Quran.

- ▶
- ▶ Perlaksanaan Perintah Kanun Hukuman Jenayah Syariah ini telah diluluskan pada 15 Julai 2012 dan dilaksanakan di negara ini.
- ▶ Dengan perlaksanaan undang-undang ini menunjukkan bahawa kesepaduan pemerintahan beraja Brunei dengan Islam apabila undang-undang Islam telah dijulang tinggi kembali setelah merundum sejak pentadbiran Residen British pada tahun 1906.

- ▶ Kerajaan Kebawah Duli Yang Maha Mulia telah menggazetkan Akta Perintah Kanun Hukuman Jenayah Syariah pada 22 Oktober 2013 dan berkuatkuasa enam bulan selepas digazetkan secara berfasa seperti berikut:

- ▶ FASA1
- ▶ Peruntukan-peruntukan bagi semua Kesalahan Am dalam Bahagian IV Penggal IV yang membawa kepada hukuman denda dan penjara dilaksanakan seperti kegagalan dalam menunaikan sembahyang Jumaat dan tidak menghormati bulan Ramadhan.

- ▶ FASA 2
- ▶ Dijangka berkuatkuasa 12 bulan dari tarikh Perintah Kanun Peraturan Jenayah Mahkamah Syariah digazetkan. Ini merangkumi bagi kesalahan-kesalahan dalam Bahagian IV Penggal I, II dan III yang boleh dikenakan hukuman Hadd, Qisas, Diyat, Badal Al-Sulh atau Arsy kecuali kesalahan yang membawa kepada hukuman mati.

- ▶ FASA 3
- ▶ Berkuatkuasa 24 bulan selepas tarikh Perintah Kanun Peraturan Jenayah Mahkamah Syariah digazetkan. Dalam fasa ketiga ini Perintah Kanun Peraturan Jenayah Mahkamah Syariah dikuatkuasakan sepenuhnya termasuk perlaksanaan hukuman mati.

- ▶ Kesepaduan pemerintahan beraja dengan Islam di bawah pemerintahan Kebawah Duli Yang Maha Mulia diperkemaskinikan lagi dengan menjadikan Negara Brunei Darussalam sebagai Negara Zikir.
- ▶

- ▶ Konsep ini telah dizahirkan oleh Kebawah Duli Yang Maha Mulia melalui titah baginda pada tahun 2007 sempena Hari Raya Aidiladha seperti berikut:
- ▶ “Beta, Insya Allah akan terus untuk menjadikan Brunei Darussalam sebuah ‘Negara Zikir’ yang sentiasa mengagungkan Allah, supaya kita selalu berada dalam perhatian dan pemeliharaan-Nya sesuai dengan janji-Nya di dalam surah al-Baqarah ayat 152, tafsirnya “Kamu ingati Aku, nescaya Aku akan mengingati kamu pula”

1. Kesultanan Brunei menempoh pengalamaan getir sekali lagi apabila berlaku perang saudara kali kedua antara Sultan Muhammad Alam (1826-1828) dengan Raja Noor Alam sekitar tahun 1826 hingga 1828.
2. Peperangan ini berlaku kerana tahta kerajaan sepatutnya diberikan kepada putera Raja Noor Alam iaitu Sultan Omar Ali Saifuddien II selepas kemangkatan Sultan Kanzul Alam (1807-1826) tidak berlaku. Sebaliknya tahta ini diambil alih oleh Sultan Muhammad Alam.

- ▶ Dengan terbentuknya Negara Zikir ini Kebawah Duli Yang Maha Mulia yakin bahawa rakyat Brunei akan sentiasa berpegang teguh kepada ajaran-ajaran Islam.
- ▶
- ▶ Dengan berlandaskan Negara Zikir, maka rakyat Brunei diharapkan sentiasa mengingati Allah dalam apa jua kegiatan baik di masa senang mahupun di masa susah.

- ▶ Pembentukan Negara Zikir menyebabkan falsafah Melayu Islam Beraja semakin kukuh apabila ia wujud dalam bentuk amalan dan spiritual.

- ▶ Peranan Kebawah Duli Yang Maha Mulia sebagai pemimpin tertinggi pemerintahan beraja Brunei dalam menyatukan dengan Melayu dan Islam apabila kedua-dua kompenan ini diserapkan dalam ranah sosioekonomi rakyat Brunei.
- ▶
- ▶ Hal ini telah dilakukan apabila Kebawah Duli Yang Maha Mulia mengharamkan kemasukan minuman keras ke negara ini dengan dimulakan pengharaman untuk menghidangkan arak di dalam Penerbangan Diraja Brunei pada 30 November 1988.

- ▶ Pada 31 Julai 1990, pengharaman ini dilaratkan ke kelab-kelab Angkatan Bersenjata Diraja Brunei dan Pasukan Polis Diraja Brunei.
- ▶
- ▶ Selepas itu barulah pengharaman kemasukan arak ini dikuatkuasakan pada 1 Disember 1991.
- ▶
- ▶ Arak adalah minuman yang mendatangkan mudarat kepada penggunanya.

- ▶ Hal terbukti apabila minuman ini diminum dalam kadar yang banyak, penggunanya menjadi mabuk dan hilang akal.
- ▶
- ▶ Bahkan dalam kes-kes tertentu yang berlaku di luar negara pengguna arak ini ada yang terkorban apabila meminumnya dalam kadar yang berlebihan.
- ▶
- ▶ Keburukan meminum arak ini semakin merbahaya apabila peminumnya yang sedang mabuk memandu kereta.

- ▶ ia sudah pasti akan mendatangkan kecelakaan dijalan raya. Apabila ini berlaku, ia tidak hanya membabitkan peminumnya tetapi juga penggunaan lain yang tidak berdosa.
- ▶
- ▶ Sementara itu, bagi mencegah berlakunya maksiat dan keruntuhan akhlak, kelab-kelab malam juga ditegah untuk dibuka di Negara Brunei Darussalam.

- ▶ Apabila kelab-kelab malam dibenarkan tiga gejala negatif pasti berlaku iaitu penggunaan dadah, pelacuran dan minum arak.
- ▶
- ▶ Semua ini boleh mendatangkan huruhara kepada kehidupan masyarakat Brunei.

- ▶
- ▶ **6.4 KESEPADUAN DAN EKONOMI ISLAM**
- ▶
- ▶ Kesepaduan nilai-nilai Melayu dan Islam dengan pemerintahan beraja di zaman pemerintahan Kebawah Duli Yang Maha Mulia tidak hanya berlaku dalam bentuk undang-undang tetapi juga dilaksanakan dalam kegiatan ekonomi.

- ▶ Apabila menekankan penggunaan ekonomi Islam dalam kegiatan perbankan dan kewangan Islam.
- ▶
- ▶ Sejak tahun 1980an, pelbagai pihak telah menyuarakan perlunya ditubuhkan perbankan dan kewangan Islam bagi mengelakkan unsur riba dalam kegiatannya.
- ▶ Riba memang diharamkan dalam ajaran Islam kerana ia bentuk penindasan dalam proses jual beli.

- ▶ Dengan yang demikian baginda telah merespon mengenai hal ini sebagaimana dalam titah baginda pada 25 September 1990 seperti berikut:
- ▶ “Umpamanya sebagai contoh, satu perkara yang berhubung dengan sistem kewangan Islam, yang sangat popular hari ini ialah Bank Islam. Ianya bukanlah satu lagi impian atau angan-angan, tetapi khabar-kabarnya sudah terdapat 50 buah Bank Perdagangan Islam di negara-negara Islam pada masa ini. Pada hemat beta, ini juga merupakan salah satu daripada kewajipan fardhu kifayah bagi tiap-tiap negara dan negara kita Brunei Darussalam adalah tidak terkecuali”

- ▶ Oleh itu pada 29 September 1991, Tabung Amanah Islam Brunei (TAIB) telah ditubuhkan.
- ▶
- ▶ Dengan penubuhan Tabung Amanah Islam Brunei ini menunjukkan kesungguhan Kebawah Duli Yang Maha Mulia dan kerajaan Brunei untuk melaksanakan sistem kewangan berdasarkan kehendak agama Islam dan hukum syarak.

- ▶ Penubuhan Tabung Amanah Islam Brunei ini menjadikan perbankan atau kewangan Islam pertama di Negara Brunei Darussalam.
- ▶
- ▶ Setelah itu diikuti dengan penubuhan Bank Islam Brunei Berhad (IBB) dan Syarikat Insurans Islam (Takaful Islam IBB) yang dilancarkan pada 13 Januari 1993.

- ▶ Pada Februari 2006, Bank Islam Brunei Berhad telah digabungkan dengan Bank Pembangunan Islam Brunei Berhad dan dikenali sebagai Bank Islam Brunei Darussalam (BIBD).
- ▶
- ▶ Jelasnya sehingga kini, Bank Islam Brunei Darussalam telah menjadi institusi Islam terbesar di Brunei dengan menyediakan pelbagai perkhidmatan transaksi kewangan dan kegiatan komersial mengikut prinsip Islam.

- ▶ Ia adalah hasil peranan Kebawah Duli Yang Maha Mulia dalam menyatukan nilai Melayu dan Islam dengan pemerintahan beraja Brunei.

- ▶ Dalam langkah menyatukan antara Melayu dan Islam dengan pemerintahan beraja di bawah kepimpinan Kebawah Duli Yang Maha Mulia, maka baginda berkenan melaksanakan arahan penutupan premis-premis perniagaan sewaktu sembahyang Fardhu Jumaat.
- ▶
- ▶ Ini satu langkah lagi dalam mengemaskinikan kegiatan ekonomi selaras dengan tuntutan Islam
- ▶
- ▶ Kesemua premis-premis perniagaan hendaklah menutup perniagaan mereka bermula pada jam 12 tengahari sehingga pukul dua petang.

- ▶
- ▶ Penutupan premis ini bagi memastikan syiar agama Islam terpelihara dan diamalkan sejajar dengan falsafah negara Melayu Islam Beraja.
- ▶
- ▶ Penutupan ini termasuk premis pejabat, pasar, tamu atau gerai dan gedung-gedung perniagaan.
- ▶
- ▶ Arahan yang dikuatkuasakan ini menunjukkan kesungguhan baginda dalam menyatukan syariat Islam dan Melayu dengan pemerintahan beraja melalui kegiatan ekonomio yang membawa kepada pengukuhan falsafah Melayu Islam Beraja dalam bentuk nyata dan praktikal.
- ▶

- ▶
- ▶ **6.5 PENDIDIKAN ISLAM**
- ▶ Kesepaduan antara nilai Melayu dan Islam di bawah pemerintahan Kebawah Duli Yang Maha terus subur yang bukan sahaja berlaku melalui penguatkuasaan Undang-undang Islam dan ekonomi Islam

- ▶ Tetapi juga melalui kemajuan pendidikan Islam yang terus diberi keutamaan di era pentadbiran Kebawah Duli Yang Maha Mulia.
- ▶
- ▶ Baginda berperanan meneruskan legasi ayahanda baginda menyambung kemunculan sekolah agama agar ajaran-ajaran Islam dapat disemai dalam kehidupan pelajar dan juga masyarakat umum secara keseluruhannya.

- ▶ Peranan baginda dalam hal ini boleh disaksikan dengan kemajuan yang ketara dari segi pendidikan Islam apabila bilangan sekolah agama di negara ini telah mencapai ke tahap ratusan buah sekolah seluruh negara.
- ▶
- ▶ Hal ini boleh dilihat pada tahun 2017 terdapat 143 buah sekolah agama di seluruh negeri dan tujuh buah sekolah Arab.

- ▶ Ini adalah ekoran jumlah pelajar yang semakin bertambah ramai yang menghadiri persekolahan agama sejak penubuhannya pada tahun 1956.
- ▶
- ▶ Peranan Kebawah Duli Yang Maha Mulia dalam memartabatkan pendidikan agama Islam semakin menonjol apabila baginda mengisytiharkan Perintah Pendidikan Ugama Wajib 2012 yang mula berkuatkuasa pada 1 Januari 2013.

- ▶ Perintah ini telah mewajibkan kanak-kanak Islam yang berumur tujuh tahun ke atas sehingga umur lima belas tahun yang menduduki di negara ini untuk didaftarkan dalam pendidikan agama di peringkat prasekolah dan sekolah rendah.
- ▶
- ▶ Dengan perintah ini maka diharapkan tiada akan ada kanak-kanak Islam yang tercicir dari memahami ilmu asas pendidikan Islam, tidak pandai mengerjakan sembahyang dan membaca al-Quran.

- ▶ Selain itu, baginda juga turut melaratkan penubuhan sekolah persediaan dan Menengah Arab yang bukan sahaja tertumpu di Daerah Brunei dan Muara, bahkan ia juga turut dibangunkan di daerah-daerah lain.
- ▶ Penubuhan sekolah persediaan dan menengah Arab ini juga merupakan satu komitmen Kebawah Duli Yang Maha Mulia agar para pelajar dapat menimba ilmu pengetahuan asas berhubung Islam serta menguasai bahasa Arab.

- ▶ Dengan penguasaan Bahasa Arab yang baik dalam kalangan pelajar, ia boleh menjadi jambatan mudah untuk menguasai ilmu-ilmu Islam ke peringkat lebih mahir dan menjadi pakar.
- ▶
- ▶ Sumber tenaga manusia seperti ini bukan saja mensepadukan antara pemerintahan beraja dengan nilai Melayu dan Islam tetapi menyumbang dalam mengukuhkan dan mempertahankan falsafah Melayu Islam Beraja.

- ▶ Kesepadan antara pemerintahan beraja dengan Melayu dan Islam di bawah kuasa Kebawah Duli Yang Maha apabila baginda mengembangluaskan pendidikan Islam yang tidak hanya terhad di peringkat rendah dan menengah sahaja,
- ▶ Tetapi ia juga berkesinambungan hingga ke peringkat institusi pengajian tinggi. Ini dapatlah dilihat apabila Maktab Perguruan Ugama Seri Begawan (MPUSB) ditubuhkan pada tahun 1972.

- ▶ Maktab ini, antaranya berperanan dalam memberikan latihan dan melahirkan guru-guru ugama yang berkelayakan dan terlatih.
- ▶
- ▶ Sungguhpun salah satu tujuan maktab ini mendukung Perlembagaan Negeri Brunei dan sekaligus mencorak satu rupa bangsa yang mempunyai agama Islam sebagai asas masyarakat mengikut aliran masa, tanpa disedari juga telah mengukuhkan pegangan falsafah Melayu Islam Beraja.

- ▶ Pada tahun 2006 ia kemudiannya dinaiktaraf menjadi Kolej Universiti Perguruan Ugama Seri Begawan (KUPU SB).
- ▶
- ▶ Sejak tahun 2007, kolej ini memberi peluang kepada para pelajar untuk meneruskan pengajian pendidikan agama di peringkat yang lebih tinggi dari peringkat Sijil, Diploma sehingga Sarjana.

- ▶ Pada tahun 2013, baharulah program ijazah Doktor Falsafah diperkenalkan.
- ▶
- ▶ Pada 1 Januari 2007, Kebawah Duli Yang Maha Mulia juga memperkenankan penubuhan Universiti Islam Sultan Sharif Ali (UNISSA).
- ▶
- ▶ Penubuhan universiti ini sekaligus menjadikannya sebagai universiti Islam pertama di negara ini.
- ▶

- ▶ Universiti ini diharapkan akan menjadi mercu tanda kegemilangan Islam di negara ini dan juga mampu melahirkan para ulama dan cendikiawan yang berwibawa yang diperlukan oleh negara ini.
- ▶
- ▶ Jelaslah langkah Kebawah Duli Yang Maha Mulia membangunkan pendidikan Islam Brunei dari peringkat sekolah rendah hingga ke peringkat pengajian tinggi tidak hanya untuk menyemai dan melahirkan generasi yang berilmu, bertakwa dan berakhlaq mulia

- ▶ Tetapi juga dalam masa yang sama telah mengukuhkan pegangan falsafah Melayu Islam Beraja dalam kalangan generasi muda bakal pemimpin masa depan negara.